

金陵全書

金陵全書

甲編·方志類·縣志

康熙上元縣志

(三)

(清)唐開陶 修纂

南京出版社

圖書在版編目(CIP)數據

康熙上元縣志 / (清)唐開陶修纂, 一南京: 南京
出版社, 2010.12
(金陵全書)
ISBN 978-7-80718-671-7

I. ①康… II. ①唐… III. ①南京市—地方志—清代
IV. ①K295.31

中國版本圖書館CIP數據核字(2010)第225838號

書 名 【金陵全書】(甲編·方志類·縣志)

康熙上元縣志

編 著 者 (清)唐開陶 修纂

出版發行 南京出版社

社址: 南京市成賢街43號3號樓 郵編: 210018

網址: <http://www.njpbs.com>

聯系電話: 025-83283871(營銷) 025-83283883(編務)

電子信箱: njpbs1988@163.com

統 籌 杞 勇 樊立文

責任編輯 許小彥 朱天樂

裝幀設計 楊曉崗

責任印製 孫偉實

制 版 南京新華豐制版有限公司

印 刷 南京凱德印刷有限公司

經 銷 全國新華書店

開 本 889×1194毫米 1/16

印 張 119.75

版 次 2010年12月第1版

印 次 2010年12月第1次印刷

書 號 ISBN 978-7-80718-671-7

定 價 1800.00元(全三冊)

上元縣志卷十九

人物傳

治行

漢

杭徐字伯徐丹陽人以膽智稱初試守宣城長悉移深
林遠藪椎髻烏語之人置於縣下由是境內無復盜
賊後爲中郎將宗資別部司馬擊太山賊公孫舉等
破平之斬首三千餘級封烏程東鄉侯遷太山都尉
寇盜望風奔亡及遷長沙太守宿賊皆平卒於官桓
帝下詔增封千戶

丙祉字宣嗣丹陽人從孫堅征伐有功堅薦爲九江太守轉吳郡所至有聲

晉

土諒字幼成丹陽人少有幹略永興三年爲交州刺史初以王機爲刺史新昌太守梁碩發兵拒機自領交阯太守迎前刺史修則子湛行州事諒旣到境湛退還九真廣州刺史陶侃遣人誘湛來詣諒所諒執之碩時在坐曰湛故州將之子有罪可遣不足殺也諒不聽卽斬之碩怒而出諒使客刺之弗克碩遂率衆圍諒於龍編陶侃遣軍救之未至而諒敗碩逼諒奪

其節諒固執不與斷諒右臂諒正色曰死且不畏臂
斷何爲十餘日憤恚而卒

南北朝

劉係宗丹陽人元徽初爲中書通事舍人封始興南亭
侯兼秣陵令齊高帝卽位除龍驤將軍建康令工欲
修白下城難于動役係宗啟謫役在東人丁隨唐寓
之爲逆者從之後車駕出講武履行白下城曰劉係
宗爲國家待此一城承明中與魏朝書常令係宗題
答係宗嫻于職事武帝常云學士輩不堪經國經國
一劉係宗足矣其重吏事如此建武二年卒

南唐

邊鎬金陵人事南唐爲通事舍人以通敏稱保大初張
遇賢稱亂襲虔州處白雲洞衆至十餘萬遣鎬監都
虞候嚴思軍討之鎬與書生白昌齡定計刊木開道
襲執遇賢于朝遷洪州營屯都虞候二年詔爲行營
招討從樞密查文徽率師伐建州何敬洙等與鎬夾
擊大破之遂取建州又南取潭州湖南馬希崇廢其
兄希萼而自立密表請援鎬鎬爲湖南安撫使便宜
進討希崇出降已而希萼亦來見鎬皆以禮遣舉族
入朝時湖南飢饉鎬發廩以賑楚人大悅進武安節

度使卒于金陵

陳承昭昇州人爲南唐高安令有政聲歷保義軍節度使初太祖從周世宗南伐承昭爲都應授使太祖遇于淮上擊敗之追至山陽遂獲承昭以獻世宗釋之授右監門衛上將軍建隆初入朝以承昭知水利督治惠民五丈二河以通漕運都人利之二年河成四年春大發丁壯數萬以昭董修畿內河堤乾德五年遷右龍武軍統軍卒贈太子太師

宋

刁衍字元賓上元人初爲南唐秘書郎從李煜來歸後

太常太祝出知桐廬縣太平興國七年應詔言事請
禁淫刑帝悅之累遷殿中丞歷知發光廬湖州以純
淡夷雅知名子湛湜涓孫繹約俱登進士

盧鑑字正臣昇州人以右班殿直爲郎延路走馬承受
公事李繼遷寇邊與總管王榮敗走之又與鈐轄張
崇貴擊賊焚其積聚擢本路兵馬都監復出蕩族帳
獲羊牛萬計李繼遷聲言石隕帳前有文曰天誠爾
勿爲中國患鑑時爲承受入奏事宗問之鑑曰此
詐爲之以欺朝廷也宜益爲備至繼遷陷靈武真
宗思其言特遷右侍禁知儀州州封勝關最險要

繼遷欲襲取之聲言將由此大入謀者以告有詔徙老弱芻粟于內地鑑曰此姦謀也且示虜弱搖民心卒不徙已而賊亦不至再遷供奉官知利州會創以便宜發倉賑民秩滿民請留詔留一年後累遷西上閣門使卒

張頡字仲舉昇州人第進士調江陵推官歲飢遣使安撫頡條獻十事活數萬人累官廣西轉運使時建廣原高順州將城之頡謂無益朝廷從其議坐事罷歸未幾進直龍圖閣知桂州入覲首言卿向者論順州不可守信然有獻言者謂淮南黎人陳被蓋五洞

首領異時盛疆且爲中國患今請出兵効力宜有以
撫納之命頴處其事願使一介往呼之出補以牙棰
喜而去詔問何賞之薄對曰荒徼蠻蛋無他覲得是
足矣尋罷兵海外訖無事久之轉運使馬默劾其經
理宜州蠻事失宜罷職知均州哲宗立還故職知鳳
翔廣州召爲戶部侍郎踰年以寶文閣侍制出爲河
北都轉運徙知瀛州湖北溪徭畔朝廷託頴素望復
徙知荆南至都門暴卒

元

王元吉年十四歲飢與兄行糴旁縣遇盜將劫之兄懼

走匿吉不爲動徐給罵曰庸縣官使我運粟許夫護送而不至若豈防兵耶後有粟車數十兩若其防後至者盜以爲然散去巨盜陳也先潘甲率衆數千自稱元帥討賊索軍糈城下守將閉門伏不出時福壽大夫守金陵憂不知所爲吉造門請見曰城中無兵而盜甚悍難與爭鋒當以計破之盜索芻粟公宜開城門陳芻粟車若將饋之者而陽以美言給之請一元帥以卒來取芻粟則主者必自來吾以計殺之而制其一人易矣從之潘甲果自來執殺之也先失勢敗去方正學誌其墓

明

王興宗上元人明初爲帳前親兵以材授金華令廉勤
公幹甚得民心擢南昌通判嵩州知州僉院任亮集
民爲軍興宗曰元末世爵聚則爲兵散則爲民若皆
爲軍稅糧何出奏止之晉懷慶太守請減民食鹽米
民沾其惠朝京時上問養蠶種田官吏興宗亦在問
中高帝曰府主公勤不貪不必問還改蘓州知府政
尚寬簡愛民如子人皆感德莫敢犯法三年遷河南
布政使赴京辭上賜宴鈔遺之

楊勉京校生中永樂二年進士三年上命解縉等選新

進士才識英敏者就文淵閣進學禮意優渥勉與其
選時年最少風姿俊偉出諸作者之右授刑部主事
召對稱旨陞右侍郎已坐事出叅政廣東八年卒以
功名終

丁璿上元人永樂初登進士由庶吉士擢工部主事謫
居潞河以治行聞起爲御史巡按徐州擒賊首張晉
祥衛輝盜起承命往治縛渠魁散脅從令復業英宗
嘉其能陞右僉都時麓川蠻叛召璿馳視至則條上
用兵便宜十餘事定陞右副都御史巡撫滇黔卒
王麟上元人宣德己酉鄉貢授儀真教諭轉國子監學

正擢四川按察僉事督學政隨改山東政聲稱最天
順初進階奉議大夫杜門不出卒年八十有三

鄭禮字中夫景泰七年鄉薦任襄陽府通判有平寇功
當事者已具疏薦公固辭進大名府同知課爲三輔
最擢守南安郡苦水患公欲發倉賑之監司難之曰
未上請奈何以便宜行事公曰待報而後發民皆溝
壑矣如以矯制罪守一無所恨事聞亦不之罪屬邑
徭役不均公酌其中以便民郡故椎魯公修學校嚴
課程士風遂振以年老乞歸郡人至今尸祝焉

凌文字從周天順元年進士授戶部主事進郎中以才

幹陞湖廣叅議時湖賊呂總聚萬人擄掠文捕戢悉
平斬黃大飢撫按屬賑濟所活萬餘人平生謙重不
事外飾以文學重于時

朱貞字惟正旗手衛籍天順元年進士知磁州時中官
取異魚民爲所苦丞以下率避去貞恐益累百姓乃
禱于河魚漏至境內以安改鄧州至卽疏革陝西等
處驛夫與州民更番走遞以甦土著成化丙戌襄盜
起軍興孔棘將次鄧貞夙戒諸生有幹局者分主供
餉士卒無敢以非禮加進四川叅議督松潘儲勤以
率下飛輓有方宿弊盡洗且善撫禦西羌剽掠者不

入境黑虎寨恃頑不服貞與總戎計平之事聞行賞
貞以老乞休

翟瑄字廷瑞南太醫院籍天順甲申進士令奉化有善
政擢御史執法不撓進僉都御史巡撫山西有平賊
功晉左都御史尋陞刑部尚書數斷大獄多所平反
獄無冤民弟瑛丙戌進士讀中秘書出爲禮科給事
中改兵科數上封事於時政多所規益歷太常卿以
病乞骸骨歸瑛孝友篤實事兄如父世稱兄弟之美
必曰二翟

丁鏞字鳳儀成化己丑進士任南刑部主事歷郎中守